

PRIJEDLOG

Na osnovu člana 2. Zakona o osnovama sigurnosti saobraćaja na cestama u Bosni i Hercegovini ("Službeni glasnik BiH broj: 6/06, 75/06, 44/07, 84/09, 48/10, 18/13, 8/17 i 9/18), i čl 6. a u vezi sa čl.3.stav 1. Tačka h. Zakona o komunalnim djelatnostima ("Službene novine Zeničko-dobojskog Kantona" broj 17/08) i člana 18. Statuta općine Maglaj ("Službene novine općine Maglaj", broj 08/07,3/08, i 6/08), Općinsko vijeće Maglaj, na sjednici održanoj dana _____2018. godine, d o n o s i

O D L U K U

o javnim parkiralištima **na gradskom području** Maglaja

OPĆE ODREDBE

Član 1.

Ovom Odlukom se povjerava upravljanje javnim parkiralištima, utvrđuju uslovi, način korištenja, organizacije i način naplate parkiranja vozila na javnim parkiralištima na gradskom području Maglaja.

Član 2.

Javnim parkiralištima se smatraju javne površine namjenjene isključivo za zaustavljanje i parkiranje vozila.

Upravljanje javnim parkiralištima, na kojima se naplaćuje parkiranje, naplatu će vršiti pravno lice KJD d.o.o. Maglaj (pravno lice koje je registrovano za obavljanje ove djelatnosti)

Član 3.

Javna parkirališta uređena za parkiranje vozila na ulicama i van ulica.

Javna parkirališta van ulica mogu biti otvorenog i zatvorenog tipa.

Otvorena javna parkirališta su ona parkirališta koja zbog prometne situacije nije moguće fizički zatvoriti preprekama.

Zatvorena parkirališta su parkirališta koja se u cilju kontrole ulaza i izlaza vozila mogu fizički zatvoriti a da se ne remeti normalan tok prometa.

Član 4.

Javna parkirališta moraju biti označena saobraćajnom signalizacijom u skladu sa Zakonom o bezbjednosti saobraćaja na cestama u Bosni I Hercegovini i Odlukom o bezbjednosti saobraćaja na području općine Maglaj.

Javna parkirališta za invalidna lica se posebno obilježavaju horizontalnom i vertikalnom saobraćajnom signalizacijom.

Uređenje i obilježavanje javnih parkirališta na kojima se naplaćuje parkiranje vrši upravitelj istih.

Član 5.

Javna parkirališta na kojima se naplaćuje parkiranje, označena su horizontalnom i vertikalnom signalizacijom, u skladu sa propisima o sigurnosti saobraćaja.

1. Vertikalna saobraćajna signalizacija (na vidnom mjestu istaknuto obavještenje na saobraćajnim tablama) sadrži:

- oznaku „P“ (parkiralište) - skraćeni naziv parkirališta,
- broj parking zone,
- upozorenje o obaveznoj naplati usluga parkiranja,
- cijena usluga javnih parkirališta,
- upozorenje da će vozila parkirana na nedozvoljenim (neobilježenim) mjestima biti blokirana uređajem za blokiranje točkova „liscama“,
- radno vrijeme naplate usluga parkiranja.

2. Horizontalna saobraćajna signalizacija označava se u skladu sa propisima o sigurnosti saobraćaja.

3. Korisnik je dužan vozilo parkirati u skladu sa horizontalnom i vertikalnom signalizacijom, odnosno u skladu sa uputama koje mu daje ovlaštena osoba davaoca usluga, ako parkiralište nema horizontalnu signalizaciju (ako podloga parkirališta nije asfaltirana ili betonirana).

Član 6.

Ulaskom na javno parkiralište na kojem se vrši naplata, vlasnik ili osoba koja upravlja motornim vozilom, prihvata uvjete parkiranja propisane ovom Odlukom.

II JAVNA PARKIRALIŠTA NA KOJIMA SE NAPLAĆUJE PARKIRANJE NA GRADSKOM PODRUČJU MAGLAJA

Član 7.

Javna parkirališta sa naplatom na gradskom području Maglaja, kategorizuju se po zoni i vrsti parkiranja kako je navedeno u Anex-1 i Anex-u II ove Odluke.

Općinski Načelnik može svojim aktom odrediti nova i izvršiti izmjene parkirališta u skladu sa Zakonom.

III USLOVI I NAČIN KORIŠTENJA JAVNIH PARKIRALIŠTA

Radno vrijeme javnih parkirališta

Član 8.

Na javnim parkiralištima na kojima se naplaćuje parkiranje, radno vrijeme će biti određeno svakim radnim danom i subotom u periodu :

I zona

- od 07,00 do **16,00** sata zimski period (01.10.-30.04.)
- od 07,00 do **16,00** sati ljetni period (30.04. – 30.09.)

U ostalim parking zonama od 07,00 do 16,00 sati.

Izuzetno KJD d.o.o. Maglaj može zbog objektivnih okolnosti, odrediti i drugačije radno vrijeme koje mora biti istaknuto na javnim parkiralištima na kojima se primjenjuje. Nedjeljom i praznicima, na javnim parkiralištima se neće vršiti naplata parkiranja.

**Naplata javnih parkirališta
i parking površina namjenjenih za parkiranje vozila
stanara u objektima kolektivnog stanovanja**

Član 9.

Za korištenje javnog parkinga korisnik plaća naknadu prema važećem Cjenovniku donesenom od strane KJD d.o.o. Maglaj.

Cjenovnikom se obavezno utvrđuju i cijene karata za stanare u ulicama u kojima je uvedena naplata parkiranja i to za mjesečnu, odnosno godišnju kartu za navedenu zonu.

Površine namjenjene za parkiranje vozila stanara u objektima kolektivnog stanovanja navedena su u Anex-u II ove Odluke.

Način izdavanja i uslovi korištenja povlaštenih parkirališnih karata na javnim parkiralištima (oko stambenih objekata kolektivnog stanovanja) na gradskom području Maglaja bit će uređeno posebnim Pravilnikom koji će donijeti KJD d.o.o. Maglaj .

Grafički prikaz parking površina za parkiranje vozila stanara u objektima kolektivnog stanovanja je sastavni dio ove Odluke.

Izdavanje mjesečne, godišnje i povlaštene karte obavezuje ovlaštenu pravnu osobu da za iste obezbijedi kontinuirano slobodno parking mjesto.

Član 10.

Vozilo sa mjesečnom i godišnjom parking kartom može biti vremenski neograničeno parkirano na svim javnim parkiralištima, na kojima se vrši naplata unutar zone za koju je karta izdata i u zonama nižim od te u periodu važenja parking karte.

Mjesečna i godišnja karta moraju biti vidno istaknute na prednjem vjetrobranskom staklu motornog vozila.

Član 11.

Za naplatu parkiranja na otvorenim javnim parkiralištima se može koristiti parking karta iz automata za naplatu parkiranja (ako su postavljeni na parking), ili naplata -fiskalni račun od strane uposlenika upravitelja, a na zatvorenim javnim parkiralištima se koristi ulazni printani listić i izlazni printani listić.

Kartu za parkiranje je korisnik dužan istaknuti sa unutrašnje strane prednjeg vjetrobranskog stakla vozila, na način da bude vidljiv serijski broj, te da iz nje ovlaštena osoba za naplatu parkiranja može utvrditi podatke (godina, dan, sat i minuta početka parkiranja).

Član 12.

Korisnik otvorenog javnog parkirališta unaprijed plaća naknadu za planirano vrijeme parkiranja, a kod zatvorenog javnog parkirališta prilikom napuštanja javnog parkirališta, prema podacima sa ulaznog listića.

Član 13.

Parking karta je dokaz o uredno plaćenju naknadi za parkiranje na javnom parkiralištu.

Sadržaj i izgled parking karte će biti detaljno određen posebnim aktom KJD d.o.o. Maglaj.

Član 14.

Kod naplate putem automata, korisnik javnog parkirališta, količinom ubačenog novca u automatu, određuje dužinu plaćanja parkiranja.

Kontrola korištenja javnih parkirališta, blokiranje i deblokiranje vozila

Kontrolor

Član 15.

Pravilnost korištenja javnog parkirališta kontrolišu uposlene osobe KJD d.o.o. Maglaj u skladu sa aktima općinskog organa koji kontrolišu ovu oblast.

Parkirna mjesta za osobe sa invaliditetom

Član 16.

Za parkiranje vozila u vlasništvu invalidnih osoba, osiguravaju se najmanje dva parking mjesta.

Vozilo kojim upravlja osoba sa invaliditetom može se parkirati na javnim parkiralištima, odnosno na parking mjestima posebno obilježenim za osobe sa invaliditetom, bez plaćanja parkirne karte, uz posjedovanje znaka pristupačnosti.

Uslovi za dobijanje znaka pristupačnosti, njegov oblik i sadržaj propisani su Pravilnikom o načinu obilježavanja vozila kojima upravlja osoba s oštećenim ekstremitetima („Službene novine FBiH“ broj 13/07 i 78/07).

Vozilo parkirano na parkirnom mjestu označenom za osobu sa invaliditetom, a koje nema vidno istaknut znak pristupačnosti, bit će blokirano urađajem za blokiranje točkova- „liscama“, a troškove deblokade snosi vlasnik vozila.

Povreda uslova korištenja javnih parkirališta

Član 17.

Korisnik javnog parkirališta čini povredu odredaba uslova korištenja javnog parkirališta propisanim ovom Odlukom ako:

- Prekorači dopušteno vrijeme parkiranja,
- Ne istakne, nepravilno istakne ili istakne neodgovarajuću parking kartu s unutrašnje strane vjetrobranskog stakla,
- Ne pridržava se horizontalne i vertikalne prometne signalizacije na javnom parkiralištu.
- **Zauzme vozilom dva parking mjesta , odnosno vozilo parkira dijelom na parkirno mjesto, a dijelom van njega, čime se onemogućava korištenje parking mjesta pod naplatom,**
- **Parkira ili zaustavi vozilo na parking mjestima predviđenim za invalide, te parkira i zaustavi vozilo na rezervisanom , odnosno zakupljenom parking mjestu,**
- **Obavlja usluge popravke, pranja vozila ili bilo koju drugu radnju koja utiče na nesmetano funkcionisanje parkirališta kao komunalne djelatnosti od opšteg značaja,**

- **Ostavi neispravno ili havarisano vozilona parkiralištu,**
- **Oštetiti vertikalnu saobraćajnu signalizaciju, automat za naplatu parkiranja ili bilo koju drugu opremu na oparkiralištu.**

Blokiranje nepropisno parkiranog vozila

Član 18.

U slučajevima povrede odredaba iz čl.17. stav 1.alineja 1. 2.3.4. i 5. Ove Odluke izvršit će se blokiranje vozila uređajem za blokiranje točkova.

Poslove blokiranja i deblokiranja vozila vršit će uposlene osobe KJD d.o.o. Maglaj, uređajem za blokiranje točkova „liscama“.

1.Prije početka stavljanaj uređaja za blokiranje točkova na vozilo, isto se fotografira u zoni kotača (blatobran, prednji dio vrata i sl.), kako bi se tačno utvrdilo u kakvom je stanju vozilo bilo prije stavljanja blokade.

Fotografisanje se vrši radi sprečavanja eventualnih zahtjeva korisnika usluga za isplatu štete za oštećenja koja su već bila na vozilu.

2.O blokiranju vozila ovlaštena službena osoba upravitelja je dužna sačiniti zapisnik, u koji se unose podaci o stanju vozila prije blokade .

3.Kod blokiranja vozila, ovlaštena službena osoba upravitelja je dužna, na prednje vjetrobransko staklo ili drugo vidno mjesto, staviti obavjest da je vozilo blokirano sa uputom korisniku o daljnjem postupanju.

4.Obavjest mora da sadrži: pravni osnov blokiranja, datum i vrijeme blokiranja vozila, lokaciju parkirališta (broj parkirališta i adresa), marka vozila, registraska oznaka blokiranog vozila, kontrakt telefon, način plaćanja naknade za deblokiranje, pouku o pravnom lijeku i postupak u slučaju ne plaćanja troškova deblokiranja.

5.Nakon blokiranja vozila, obavezno se fotografira blokirani kotač i cjelokupno vozilo sa vidljivom registracijom vozila,

6.Troškove blokiranja vozila snosi korisnik usluga.

Troškovi blokiranja i deblokiranja vozila

Član 19.

Naknade za blokiranje i deblokiranje vozila utvrdit će KJD d.o.o. Maglaj i to posebno naknade za blokiranje i deblokiranje putničkog vozila, a posebno nakande za blokiranje i deblokiranje kamiona, autobusa, priključnog vozila i radnog stroja.iznose:

Član 20.

KJD d.o.o. Maglaj utvrdit će naknadu za premještanje i čuvanje vozila i to naknadu za:

- 1. Premještanje i čuvanje vozila na deponijski parking i ležarina do 24 sata .**
- 2. Dnevno čuvanje vozila na deponijskom parkingu.**

Član 21.

Premještanje nepropisno zaustavljenih ili parkiranih vozila vrši KJD d.o.o. Maglaj, a po nalogu PU -e Maglaj u skladu sa Zakonom o osnovama bezbjednosti saobraćaja na cestama BiH, specijalnim vozilom namjenjenim za te svrhe o trošku vlasnika odnosno korisnika vozila.

Detaljnije odredbe o uslovima, načinu premještanja, čuvanju i vraćanju nepropisno parkiranog vozila regulisat će se posebnim aktom KJD d.o.o. Maglaj.

Član 22.

Prilikom određivanja premještanja vozila od strane ovlaštene osobe a prije samog početka premještanja, zaposlena osoba KJD d.o.o. Maglaj, pravi zapisnik o stanju vozila koje je određeno za premještanje, (registarski broj, marka, tip vozila i dr.) uz posebno evidentiranje već vidljivih oštećenja na vozilu koje se premješta.

Član 23.

Troškove premještanja vozila na drugo mjesto i naknadu za smještaj tog vozila, odnosno blokiranja i deblokiranja, snosi vlasnik vozila, odnosno osoba koja upravlja vozilom.

Po pozivu korisnika usluga čije je vozilo blokirano, ovlaštene osobe upravitelja dužne su izvršiti deblokadu vozila, bez obzira da li je korisnik platio troškove deblokiranja ili ne.

Nakon deblokiranja vozila, isto se fotografira i sačinjava zapisnik o deblokiranju kojeg potpisuje ovlaštena službena osoba upravitelja i korisnik usluga.

Korisnik uluga koji nije državljanin BiH i korisnik usluga sa stranim registarskim oznakama vozilo će deblokirati nakon plaćanja troškova deblokade na licu mjesta.

Član 24.

Troškove deblokiranja snosi korisnik usluga.

Troškovi deblokiranja mogu se platiti odmah, na licu mjesta, uz uredno izdati račun službene osobe davaoca usluga ili u roku od osam dana, od dana prijema računa na transakcijski račun upravitelja.

Ukoliko korisnik usluga ne plati troškove deblokiranja u ostavljenom roku, dalji postupak naplate, vrši komunalni inspektor putem prekršajnog postupka u skladu sa Zakonom o prekršajima Federacije BiH („Sl.glasnik Federacije BiH“ broj 63/14,) uz dostavljene dokaze od strane ovlaštenog službenog lica davaoca usluga .

Član 25.

Štete koje nastanu na vozilu prilikom premještanja vozila, čuvanja na deponijskom parkiralištu odnosno blokiranju i deblokiranja vozila, snosi upravitelj.

Saobraćajna signalizacija

Član 26.

Održavanje i uređenje javnih parkirališta kojima upravlja KJD d.o.o. Maglaj upravitelj, podrazumjeva:

1. horizontalnu i vertikalnu signalizaciju,
2. održavanje slivnih rešetaka (poklopaca i šahtova),
3. uređenje asfaltnih površina (krpanja rupa ili presvlačenje novim slojem asfalta, a makadamski parking prostor redovno održavati nasipanjem odgovarajućim materijalom,
4. redovno održavanje higijene
5. kao i uklanjanje snijega, poledice i drugih elemenata koji ometaju parkiranje.

Član 27.

Vozila hitne medicinske pomoći, policije i vatrogasna vozila, kada u toku intervencije koriste javno parkiralište ne plaćaju naknadu za parkiranje.

Vozila Ministarstva unutrašnjih poslova, službena vozila Armije BiH, službena vozila Ombudsmena, Državnih agencija i državnih predstavnika, ne plaćaju naknadu za parkiranje.

Vozila pravnih osoba koji su izvođači radova na javnim parkiralištima, za vrijeme dok izvođe radove, u skladu sa odobrenjem nadležne općinske Službe, izuzeta su od plaćanja naknada za parkiranje.

Član 28.

KJD d.o.o. Maglaj upravitelj, na javnim parkiralištima na kojima se naplaćuje parkiranje, ne snosi odgovornost u slučaju otuđenja motornog vozila ili nastanka štete na istom u vremenu dok je parkiran.

Član 29.

Naplatu parkiranja i kontrolu naplate parkiranja, obavljaće uposlenici KJD d.o.o. Maglaj, koji moraju biti jednoobrazno odjeveni, imati identifikacione legitimacije, na kojima je upisan naziv preduzeća, serijski broj, ime i prezime i fotografija uposlenog lica - radnika koji vrši naplatu.

NADZOR

Član 30.

Nadzor nad provođenjem ove Odluke vrši Služba za urbanizam geodetske i imovinsko pravne poslove .

U vršenju nadzora općinska Služba koordinira svoju djelatnost sa odgovarajućim organima i pravnim licem registrovanim za upravljanje javnim parkiralištima.

Član 31.

Inspeksijski nadzor nad provođenjem ove Odluke će vršiti nadležna općinska inspekcija Općine Maglaj

Član 32.

Prekršajni postupak pokreće i vodi ovlaštena osoba, odnosno nadležna inspekcija Općine Maglaj , izdavanjem prekršajnog naloga ili podnošenjem zahtjeva za pokretanje prekršajnog postupka, na temelju dokaza dostavljenih od strane zaposlenika KJD d.o.o. Maglaj.

Za nesavjesno upravljanje i održavanje parking prostorima na području grada Maglaja, prekršajni postupak pokreće i vodi ovlaštena osoba , odnosno nadležna inspekcija Općine Maglaj , izdavanjem prekršajnog naloga ili podnošenjem zahtjeva za pokretanje prekršajnog postupka.

KAZNENE ODREDBE

Član 33.

Novčanom kaznom u iznosu od 30,00 KM do 100, 00 KM kaznit će se vlasnik motornog vozila za neplaćanje novčane naknade utvrđene u čl.19 . i 20 . Ove Odluke.

Novčanom kaznom u iznosu od 50,00 KM do 100,00 KM kaznit će se osoba koja prekrši odredbe člana 17.alineja 6, 7. i 8 .ove Odluke.

Član 34.

Raspodjela dobiti ostvarene od javnih parkirališta, između upravitelj javnih parkirališta i Općine Maglaj, kao vlasnik javnih parkirališta, bit će definisana posebnom Odlukom.

Član 35.

Sastavni dio Odluke su Cjenovnik usluga javnih parkirališta na gradskom području Maglaj, Pravilnik o blokiranju i deblokiranju uređajem za blokiranje kotača, Pravilnik o načinu i uslovima korištenja povlašćenih parkirališnih karata na javnim parkiralištima na području grada Maglaj, kao i uzorci Obavještenja, Upozorenja i Zapisnik o blokadi i deblokadi kotača vozila, koje usvaja Općinsko vijeće .

Član 36.

Ova Odluka stupa na snagu osmog dana od dana objavljivanja u Službenim Novinama Općine Maglaj.

Broj: 02-05-1-1324/18

Datum: .07.2018.godine

**Presjedavajuća OV
Svjetlana Zamboni**

ANEX-I
JAVNA PARKIRALIŠTA NA KOJIMA SE NAPLAĆUJE PARKIRANJE NA
PODRUČJU GRADA MAGLAJA

Javna parkirališta sa naplatom na području grada Maglaja, kategorizuju se po zoni i vrsti parkiranja na slijedeći način:

Naziv javnog parkirališta	Parking mjesta	Otvoren /zatvoren	zona
Kod zgrade općine Maglaj i nasuti plato iza općine	18 20	otvoren	1
Kod Tržnog centra uz ulicu Aleja Ijljana i uz poslovne objekte sa zapadne strane Tržnog centra	30 24	otvoren	1
Između hotela i Viteške ulice	8	otvoren	1
Između ulice Aleja Ijljana i ulice Mladih	30	otvoren	1
Istočna stana Tržnog centra uz ulicu Ilijasa Smajlagića	20	otvoren	1
U Viteškoj ulici ispred poslovnog objekta zv."Robna kuća"	26	otvoren	1
Ispred Doma kulture Edhem Mulabdić uz ulicu Sulejman Omerović Car	20	otvoren	1

ANEX II
PARKING POVRŠINE NAMJENJE ZA PARKIRANJE VOZILA STANARA U
OBJEKTIMA KOLEKTIVNOG STANOVANJA

Naziv parkirališta	Parking mjesta	Otvoren /zatvoren	zona
Parking prostor u ulici Aleja ljiljana kod objekata T1, T2 i T3.		otvoren	1
Parkin prostor u ulici Aleja ljiljana kod objekata M 8, 9, 10, 11 i 12.		otvoren	1
Parking prostor u ulici Aleja ljiljana kod objekta SP-70.		otvoren	1
Parking prostor kod objekta „A“ zvani Karingtonka		otvoren	1
Parking prostor u ulici S.O.Car kod objekata S-30 i S-30/1		otvoren	1
Parking prostor kod prodavnice Euro Centar u ulici S.O.Car		otvoren	1

Služba za urbanizam, geodetske
Imovinsko pravne poslove

Broj: 05-23-12-1384-2/18

Z A P I S N I K

sa održane javne rasprave na Nacrt Odluke o javnim parkiralištima na području Općine
Maglaj

Javna rasprava je održana u Sali Općinskog vijeća Maglaj dana **27.06.2018.** godine sa početkom u 12,00 sati.

Pristuni:

- Predstavnici Službe za urbanizam geodetske i imovinsko pravne poslove: Fuad Hajrulahović , Saračević Jasminka, volonter Gračić Elza.
Hasanić Emina, Bašić Nisveta, Hasanić Zijad, Suljaković Ekrem, Mahmutović Merima, Musaefendić Dejan, Smajlagić Almir, Nalić Semiz, Havić Miralem, Meškić Almir, Omersoftić Azahari, Fermić Hajrudin, Hasanić Aida, Bradraić Mehmed, Zamboni Svjetlana Malagić Mejfudin.

Javnu raspravu je otvorila Saračević Jasminka Stručni savjetnik u Službi za urbanizam,geodetske i imovinsko pravne poslove, i podsjetila prisutne da je na sjednici Općinskog vijeće održanoj dana 07.06.2018. godine ,donesen Zaključak broj 02-05-1-1318-9/18 kojim se usvaja Nacrt Odluke o javnim parkiralištima na području grada Maglaja, i da se u Odluci doda tekst da se javni parkinzi daju na upravljanje KJD d.o.o. Maglaj u skladu sa čl.9. Zakona o komunalnim djelatnostima, kao i da se Služba za urbanizam geodetske i imovinsko pravne poslove zadužuje da u roku od 10 dana provede javnu raspravu po pitanju navedene Odluke, te da se uzmu u obzir sve primjedbe i prijedlozi, sugestije koje će biti uobzirene u prijedlog Odluke.

Nakon toga je upoznala prisutne sa tekstom Nacrta Odluke, odnosno sa značajnijim dijelovima iz Odluke , kao što je član 7. u kojem su navedena javna parkirališta na kojima se naplaćuje parkiranje.

Fuad Hajrulahović je takođe upoznao prisutne sa Odlukom i praksom iz drugih općina.

Nakon toga je otvorena javna rasprava.

Hajrudin Fermić – Ističe da kao prvo treba vidjeti kakav je finansijski efekat za pravljenje i naplatu parkirališta, a drugi vid je estetski. Dosta stvari precizirati i zakonski regulisati. U preambuli dodati član 3. Zakona o komunalnim djelatnostima. U članu 4. da se briše osobe sa posebnim potrebama. U članu 9. uvrstiti da će se naplata javnih parkirališta všiti u skladu sa cjenovnikom parking prostora, koju će prethodno dati upravitelj, na osnovu saglasnosti (usvojene Odluke) OV. Dodati član u kojem će se uvrstiti parking površine namijenjene za stanare kolektivnog stanovanja. Da član 7. bude anex 1, a ova prethodna bude anex 2. Nije dovoljno uvedena obaveza upravitelja. Davalac usluga je dužan striktno navesti koje su njegove obaveze. Predvidjeti tranzit kartice za dostavna vozila, vinjete za servisna vozila, koja mjesta da koriste kao parking prostoreza teretne kamione, autobuse. Ko će imati pravo

koristiti parking prostore bez plaćanja – ombudsmeni, državne agencije, konzularni predstavnici. Ko će biti nadležan za nadzor – Eko redar. Da se navede da će prilikom plaćanja prekršajnih kazni, novac ići kao prihod općinskog budžeta. Šta je sa istočnim dijelom pijace? Da li se može koristiti put u žito – parking kod Konzuma, prostor neiskorišten, zatim preko puta PBS banke, Ul. 1.Marta kod željezničke stanice, parking preko puta Doma kulture, parking kod pekare NON STOP. Odluka iz Bihaća, treba koristiti za rješavanje parking prostora za stanare.

Fuad Hajrulahović – Mjesta koja su predviđena za parking prostore, konkretno su predviđena iz razloga jer je vlasnik zemljišta Općina Maglaj.

Miralem Havić – Vlasnici poslovnih prostora na tržnom centru dostavljaju svoje prijedloge u pisanoj verziji.

Malagić Mejfudin – Treba se uvesti i naplata parking prostora ispred mrtvačnice, ispred dvorana, da autobusi koji dovlače djecu u dvoranu da plate. Da se pripazi na plaćanje, jer će se time oštetiti ljudi koji tu žive.

Ekrem Suljaković – Parking kod dvorane, stanari solitera bi platili parking, ali nemaju mjesta za parking, nije dovoljno s obzirom na broj stanova koliko ima soliter.

Azahari Omersoftić – Veliki problem za kombi vozila i kamione, pronaći neki modus. Takođe, za autobuse, koji dovoze djecu u dvoranu. Ne brzati, a kvalitetno riješiti naplatu parkinga. Označiti za invalide osobe parking. Uvesti lisice, moderniji način, brži način za ostvarenje novca na računu. Kako je u Žepču, popijem kafu, pola sata, platim parking marku.

Mehmed Bradarić – Pravilnik prepisan od Žepča, ovaj od Jajca. U članu 7 – navedena parking mjesta. Komunalno će kupiti 4 aparata za parking prostore. Otprilike bi se trebalo početi sa radom od prvog septembra.

Almin Smajlagić – Ukoliko ide parking ispred zgrade za kolektivno stanovanje, da li stanari imaju prednost u odnosu na ostale. Da li će biti označena mjesta koja će biti predviđena za stanare. U Njemačkoj je to, gdje sam bio regulisano tako da mi je domaćin koji me je dočekao rekao da ne smijem parkirati na mjesto gdje sam parkirao, jer je to označeno brojem i to je mjesto parkinga stanara. E to Vas pitam, Da li će i kod nas konkretno mjesta predviđena za parking prostor stanara biti tako označena.

Hajrudin Ferić – Koja su mjesta za stanare, jer ne mogu dobiti status parking prostora, ko ima pravo, pod kojim uslovima, ko ima pravo na više vozila, da upravitelj precizira naplatu.

Mehmed Bradarić – Dostavili Pravilnik, u kojem se vidi obavještenje o blokiranju auta – točkova, upozorenje, pauk, plaćanje 60,00 KM, ležarina auta za dan 10,00 KM, tamo na onom dijelu što je bio neuređen. Sad je sve sređeno.

Hajrudin Ferić – Stanari kolektivnog stanovanja, staviti u anex A i anex B. Precizirati Odluku.

Fuad Hajrulahović – Krenuti sa četiri aparata. Vrijeme će pokazati za ubuduće.

Mehmed Bradarić – Označili smo i radno vrijeme od 7 do 16 sati.

Semiz Nalić – Ja sam ovdje ispred RVI. Da se u parkinzima označe mjesta za invalide. Prednost prilikom zapošljavanja.

Merima Mahmutović – Ne treba prepisivati potpuni tekst od drugih općina. Član 1. Maglaj nije grad. Član 3. stav 1. mogu i ne moraju, treba da piše moraju. Predlaže da se pridržavaju zakonske odredbe. Javni parking prostori da se uvedu u regulacioni plan Općine Maglaj. Stanari Karingtonke-prilikom kupovine stana, plaćali su nekada određeni iznos za parkirište. Najveća odgovornost za sprovođenje ove Odluke je upravitelj. Kaznene odredbe, član 19., član 20., treba navesti na osnovu kog člana se vrši kažnjavanje. Nemaju navedene kazne za upravitelja, ukoliko on ne poštuje odredbe Odluke. Član 34.-navesti definisat će se, u kojem roku mora biti donešena Odluka. Član 9. fali grafički prikaz – anex A. Istočni dio pijace nije naveden kao parking.

Jasminka Saračević – dodjeljen parking KJD.

Miralem Havić – vlasnici i korisnici prostora na tržnom centru dostavili u pismenoj formi svoje prijedloge, ali pitam, jer su me zamolili korisnici prostora, da li je važnija naplata parkinga od uplate prihoda koji se ostvaruju od korisnika poslovnih prostora. Na parkingu je bio znak za parking, ali za vlasnike i korisnike.

Nakon iznesenih mišljenja prisutnih i datih odgovora na sva postavljena pitanja donesen je konačan

ZAKLJUČAK

Da se na Nacrt Odluke o javnim parkiralištima na području grada Maglaj mogle dati primjedbe i prijedlozi kao i sugestije do dana održane javne rasprave, i na sam dan održavanja javne rasprave u pismenoj formi, i usmeno, kao i da se Nacrt Odluke nalazio na web stranici općine Maglaj, odnosno da se mogao se izuzeti na info šalteru općine Maglaj.

Sve primjedbe i prijedlozi će biti uvršteni u prijedlog Odluke.
Služba će nakon isteka roka nastaviti dalji postupak oko usvajanja predložene Odluke.

Javna rasprava je završena u 13,30 sati.

ZAPISNIK SAČINILA
Jasminka Saračević, dipl. pravnik

Na osnovu Odluke o javnim parkiralištima na području grada Maglaja, koju je donijelo Općinsko vijeće Maglaj na svojoj ___ sjednici održanoj dana _____2018. godine, Komunalno javno društvo d.o.o. Maglaj (u daljem tekstu KJD d.o.o. Maglaj) donosi:

P R A V I L N I K

O načinu izdavanja i uslovima korištenja povlaštenih parkirališnih karata na javnim parkiralištima na području grada Maglaja

Član 1.

Za stanare u ulici u kojoj se naplaćuje parkiranje mogu se uvesti povlašteni uslovi parkiranja u pogledu trajanja i cijene.

Osobama navedenim u prethodnom stavu može se izdati povlaštena parkirna karta ako su podmirili sve svoje obaveze po bilo kojem osnovu prema Općini Maglaj i KJD d.o.o. Maglaj.

Izgled, sadržaj i vrijeme važenja povlaštenih karata utvrđuje KJD d.o.o. Maglaj.

Član 2.

Pravo na povlaštenu parkirnu kartu ima fizička osoba-stanar koja:

- Ima prebivalište ili boravište na području na kojem se obavlja naplata parkiranja što se dokazuje uvjerenjem CIPS-a o mjestu prebivališta
- Ima vozilo u vlasništvu ili leasingu, što dokazuje važećom saobraćajnom dozvolom
- Nema drugu mogućnost za parkiranje vozila osim korištenjem javnog parkirališta

Osobama navedenim u prethodnim stavkama ovog člana može se izdati najviše jedna povlaštena parkirališna karta.

Povlaštenu parkirališnu kartu korisnik može koristiti isključivo za vozilo za koje je izdana.

Cijena povlaštene karte za stanare koji ispunjavaju uslove iz ovog člana iznosi 70 % iznosa mjesečne odnosno godišnje karte za navedenu zonu.

Član 3.

Pravo na korištenje parking prostora bez plaćanja naknade na javnom parkiralištu ima lice s invaliditetom koje:

- Ima prebivalište ili boravište na području na kojem se obavlja naplata parkiranja, što dokazuje osobnom iskaznicom ili uvjerenjem MUP-a o adresi stanovanja
- Ima vozilo registrirano na svoje ime što dokazuje valjanim prometnim dokumentom
- Ima postavljen na vidnom mjestu u donjem desnom uglu prednjeg vjetrobranskog stakla vozila Znak pristupačnosti koji se izdaje licu sa oštećenim ekstremitetima, čiji su ekstremiteti, bitni za upravljanje vozilom, oštećeni najmanje 60% (u daljem tekstu: lice sa oštećenim ekstremitetima) i licu sa stepenom invaliditeta 100%, a koje se prevozi vozilom (u daljem tekstu: lice sa invaliditetom)
- nema drugu mogućnost za parkiranje vozila osim korištenjem javnog parkirališta

Osobi s invaliditetom se može izdati najviše jedno parkirno mjesto.

KJD d.o.o. Maglaj će obezbijediti 10% parkirnih mjesta za lica koja ispunjavaju uslove iz ovog člana, za svaku zonu parkiranja.

Član 4.

U osobito opravdanim slučajevima parkirališna karta može se izdati na zahtjev humanitarne udruge, zdravstvene ustanove, fizičke osobe koja ima teško bolesnog člana u porodici.

O opravdanosti zahtjeva odlučuje KJD d.o.o. Maglaj.

Član 5.

Plaćanja korištenja javnih parkirališta su oslobođeni:

- Vozila hitne medicinske službe, vatrogasna vozila, vozila policije kada u toku intervencije koriste javna parkirališta
- Vozila izvođača radova u vrijeme izvođenja radova na objektima infrastrukture (izgradnja i sanacija ulice, intervencija na vodovodnoj i kanalizacionoj mreži i sl.)
- Vozila diplomatsko-konzularnih predstavnika.

Član 6.

Za povlaštenu kartu uplaćuje se naknada na račun organizatora parkiranja ili se istovremeno kupuje i preuzima na blagajni organizatora parkiranja.

Ako korisnik povlaštene karte za vrijeme njenog važenja promjeni vozilo, odnosno registarske oznake vozila za koje je izdana, organizator parkiranja zamijeniti će povlaštenu kartu, na korisnikov zahtjev, novom povlaštenom kartom. Nova povlaštena karta vrijedi do isteka roka na koji je izdana zamijenjena karta.

Ako korisnik parkirališta koristi povlaštenu kartu suprotno odredbama Odluke o javnim parkiralištima grada Maglaja, smatra se da nema povlaštenu kartu.

Član 7.

Vozilo sa povlaštenom kartom može biti vremenski neograničeno parkirano na parking mjestima u ulici ili zgradi gdje je njegovo prebivalište, a u periodu važenja parking karte.

Mječna i godišnja karta moraju biti vidno istaknute na prednjem vjetrobranskom staklu motornog vozila.

Član 8.

Za korištenje javnog parkirališta korisnik plaća naknadu prema važećem Cjenovniku, a na osnovu Odluke o javnim parkiralištima na području grada Maglaja.

Član 9.

Ovaj Pravilnik stupa na snagu s danom donošenja, a nakon donošenja i usvajanja od strane Nadzornog odbora KJD d.o.o. Maglaj, a primjenjivati će se istekom osmog dana od dana njegovog objavljivanja na oglasnoj tabli Društva.

Broj: 07-353/18
Maglaj, 15.06. 2018. godine

DIREKTOR
Bradarić Mehmed

NO KJD D.O.O. MAGLAJ

Na osnovu Odluke o javnim parkiralištima na području grada Maglaja, koju je donijelo Općinsko vijeće Maglaj na svojoj ___ sjednici održanoj dana _____2018. godine, Komunalno javno društvo d.o.o. Maglaj (u daljem tekstu KJD d.o.o. Maglaj) donosi:

PRAVILNIK O BLOKIRANJU I DEBLOKIRANJU UREĐAJEM ZA BLOKIRANJE KOTAČA

Član 1.

Ovim Pravilnikom propisuju se uslovi i postupak blokiranja i deblokiranja kotača vozila uređajem za blokiranje kotača, sa sljedećim fazama postupka:

- Utvrđivanje pravnog temelja za blokiranje kotača,
- Obavješćavanje nadležne službe u KJD d.o.o. Maglaj o potrebi blokiranja vozila
- Način blokiranja kotača vozila, označavanje blokiranog vozila i prateće radnje na dokumentiranju blokiranja i deblokiranja vozila.

Član 2.

(1) Pravni osnov za blokiranje kotača o javnim parkiralištima na području općine Maglaj je *član 18.* Odluke o javnim parkiralištima na području općine Maglaj broj _____ od dana _____ 2018. godine.

(2) Ovlašteno lice na naplati parkinga dužno je pratiti stanje na parkingu koji opslužuje te zatražiti blokiranje kotača vozila u slučaju:

- a) Odbijanja vlasnika ili korisnika vozila da plati naknadu za parkiranje odmah po parkiranju vozila,
- b) Parkiranja vozila prije početka vremena naplate na parkingu (7,00 h) i nepojavljivanja vlasnika ili korisnika vozila u roku od 10 (deset) minuta po početku vremena naplate na parkingu,
- c) Parkiranje vozila u vremenu naplate parkinga (od 7,00 do 14,00 h) bez javljanja licu ovlaštenom za naplatu parkinga uz zadržavanje na parkingu u vremenu dužem od 10 minuta
- d) Parkiranje na mjestu označenom i rezervisanom za parkiranje drugog vozila (zakupljena parking mjesta za duži vremenski period).

Član 3.

Nakon utvrđivanja pravnog osnova ovlašteno lice na naplati parkinga će pozvati nadležnu službu u KJD d.o.o. Maglaj i zatražiti blokiranje kotač predmetom postupka.

Prije početka stavljanja uređaja za blokiranje točkova na vozilo, isto se fotografiše u zoni kotača, radi utvrđivanja stanja vozila prije blokade točkova,

Nakon što je vozilo blokirano vrši se fotografisanje blokiranog kotača i cjelokupnog vozila sa vidljivom registracijom vozila, te se i vozilo fotografiše i nakon deblokade..

Fotografisanje se vrši radi sprječavanja eventualnih zahtjeva vlasnika vozila za isplatu štete za oštećenja koja su već ranije bila na vozilu.

Ovlašteno lice u KJD d.o.o. Maglaj će u što kraćem vremenskom roku izvršiti blokadu kotača vozila. Nakon blokiranja vozila ovlašteno lice obavezno je na prednje vjetrobransko staklo vozila ili drugo vidno mjesto staviti naljepnicu upozorenja da je vozilo blokirano s uputom vozaču o daljnjem postupanju.

Tekst naljepnice je na bosanskom, engleskom i njemačkom jeziku.

Član 4.

Kod blokiranja vozila ovlašteno lice u KJD d.o.o. Maglaj je dužno sačiniti zapisnik sa unesenim podacima iz člana 18. Odluke o javnim parkiralištima na području grada Maglaja.

Zapisnik obavezno potpisuju ovlašteno lice na naplati parking u KJD d.o.o. Maglaj i ovlašteno lice za blokadu kotača vozila.

Nakon deblokade točkova, zapisnik potpisuje vlasnik i/ili korisnik vozila.

Član 5.

Troškove blokiranja, započetog blokiranja ili deblokade snosi vlasnik ili korisnik vozila. Ovlaštena osoba koja obavlja blokiranje vozila deblokirati će vozilo nakon isplaćenih troškova blokade ili deblokade, odnosno izdate uplatnice za podmirenje troškova. Ako za vozilo nije zatraženo deblokiranje u roku od 24 h, vlasniku ili korisniku vozila obračunati će se i dnevna ležarina u visini dnevne parking karte za onoliko dana koliko je vozilo bilo na parkingu.

Član 6.

Zbog nemogućnosti efikasne naplate određene naknade ili kazne, blokirati se mogu i vozila stranih registarskih oznaka, ZOOL oznaka (tzv. colke tablice), kao i vozila bez registarskih oznaka.

Član 7.

U skladu sa članom 19. Odluke o javnim parkiralištima na području grada Maglaja, naknada za blokiranje i deblokiranje kotača putničkog vozila iznosi 20,00 KM, a za blokiranje i deblokiranje teretnih vozila, autobusa, minibusa, priključnih vozila i radnih strojeva iznosi 30,00 KM.

Član 8.

Ovaj Pravilnik stupa na snagu s danom donošenja, a nakon donošenja i usvajanja od strane Nadzornog odbora KJD d.o.o. Maglaj, a primjenjivati će se istekom osmog dana od dana njegovog objavljivanja na oglasnoj tabli Društva.

Broj: 01-803/18

Maglaj, 14.02.2018. godine

DIREKTOR

NO KJD D.O.O. MAGLAJ

Bradarić Mehmed

**PRIJEDLOG CIJENA USLUGA JAVNIH PARKIRALIŠTA NA
PODRUČJU GRADA MAGLAJA**

<i>NAZIV PARKIRALIŠTA</i>	<i>ZONA</i>	<i>CIJENA KARTE (U KM)</i>			
		<i>Po satu</i>	<i>Dnevna</i>	<i>Mjesečna</i>	<i>Godišnja</i>
Kod zgrade Općine Maglaj i nasuti plato iza Općine	1	1,00	5,00	40,00	440,00
Kod Tržnog centra uz ulicu Aleja ljljana i uz poslovne objekte sa zapadne strane Tržnog centra	1	1,00	5,00	40,00	440,00
Između hotela i Viteške ulice	1	1,00	5,00	40,00	440,00
Između ulice Aleja ljljana i Ulice mladih	1	1,00	5,00	40,00	440,00
Kod objekta „A“ zvani Karingtonka	1	1,00	5,00	40,00	440,00
U Viteškoj ulici ispred poslovnog objekta tzv. „Robna kuća“	1	1,00	5,00	40,00	440,00
Ispred Doma kulture Edhem Mulabdić uz ulicu Sulejman Omerović Car	1	1,00	5,00	40,00	440,00

PARKING POVRŠINE NAMIJENJENE ZA PARKIRANJE VOZILA STANARA U OBJEKTIMA KOLEKTIVNOG STANOVANJA

Vinjete za vozila stanara (70 % iznosa mjesečne odnosno godišnje karte za navedenu parking zonu)

Zona	Cijena	Vremenski period
<i>Sve zone</i>	28,00 KM	1 mjesec
	308,00 KM	12 mjeseci

TROŠKOVI DEBLOKADE

R/B	Naziv	Cijena
1	Deblokada putničkog vozila	20,00 KM
2	Deblokada kamiona, autobusa, priključnog vozila i dr.	30,00 KM

PREMJEŠTANJE I ČUVANJE VOZILA

R/B	Naziv	Cijena
1	Premještanje i čuvanje vozila na deponijski parking i ležarina do 24h	60,00 KM
2	Dnevno čuvanje vozila na deponijskom parkingu	10,00 KM

U sve cijene je uračunat porez na dodatu vrijednost (PDV).

KJD d.o.o. MAGLAJ

Rješenje: 043-0-Reg-08-002907
JIB: 4218166390001
IB (PDV): 218166390001
PB: 05140220

BiH, Ulica mladih br.4 MAGLAJ; Centr:++387 32 603 523; Fax: 603 689; direktor 603 346; vodovod 618 510; pijaca 603 337; radionica 603 826

O B A V J E Š T E N J E!!!

VAŠE VOZILO JE BLOKIRANO!

MAGLAJ, DANA _____ GODINE U _____ SATI.

REGISTARSKE OZNAKE VOZILA: _____

***ZA DEBLOKADU VOZILA OBRATITE SE NAŠEM PARKING
RADNIKU ILI NAZOVITE BROJ***

“KOMUNALNO JAVNO DRUŠTVO” d.o.o. Maglaj

Žiro računi: PBS banka 101145000071212; ABS banka 1990460003274429; UNICREDIT Zagrebačka banka 3385602200011396

KJD d.o.o. MAGLAJ

JIB: 4218166390001
IB (PDV): 218166390001
PB: 05140220

BiH, Ulica mladih br.4 MAGLAJ; Centr:++387 32 603 523; Fax: 603 689; direktor 603 346; vodovod 618 510; pijaca 603 337; radionica 603 826

O B A V J E Š T E N J E!!!

VAŠE VOZILO JE BLOKIRANO!

MAGLAJ, DANA _____ GODINE U _____ SATI.

REGISTARSKE OZNAKE VOZILA: _____

***ZA DEBLOKADU VOZILA OBRATITE SE NAŠEM PARKING
RADNIKU ILI NAZOVITE BROJ***

“KOMUNALNO JAVNO DRUŠTVO” d.o.o. Maglaj

Žiro računi: PBS banka 101145000071212; ABS banka 1990460003274429; UNICREDIT Zagrebačka banka 3385602200011396

U P O Z O R E N J E
ZA VLASNIKA ILI KORISNIKA VOZILA
PREDNJI LIJEVI KOTAČ VAŠEG VOZILA JE BLOKIRAN!

**BLOKADA JE IZVRŠENA ZBOG NEPOŠTIVANJA ODLUKE
OPĆINSKOG VIJEĆA MAGLAJ O JAVNIM PARKIRALIŠTIMA NA
PODRUČJU GRADA MAGLAJA.**

**ZA DEBLOKADU VOZILA OBRATITE SE OVLAŠTENOM LICU NA
NAPLATI PARKINGA ILI NA TELEFONE**

W A R N I N G
FOR THE OWNER OR USER OF VEHICLE
FRONT LEFT WHEEL OF YOUR VEHICLE IS BLOCKED!

**BLOCK MADE FOR BREACH OF DECISIONS OF MUNICIPAL
COUNCIL MAGLAJ ABOUT PUBLIC PARKINGS.**

**TO ENABLE VEHICLE CONTACT AN EMPLOYEE AT THE
CHECKOUT OF PARKINGS OR PHONES**

W A R N U N G
FÜR DEN FAHRZEUGINHABER ODER – BENUTZER
LINKES VORDERRAD BLOCKIERT!

**DIE BLOCKADE WURDE GEMACHT WEGEN DER MISSACHTUNG
DES BESCHLUSSES DES GEMEINDERATES MAGLAJ ÜBER DIE
ÖFFENTLICHEN PARKPLÄTZE.**

**ZUR DEBLOCKADE DES FAHRZEUGS WENDEN SIE SICH BITTE AN
DEN KASSIERER DER PARKGEBÜHR ODER TEL.**

U P O Z O R E N J E !!!

Vaše vozilo nema istaknutu parking kartu. Ukoliko u roku od 10 minuta ne istaknete parking kartu, u skladu sa odredbama člana 18. Odluke OV Maglaj o javnim parkiralištima na području grada Maglaja, Vaše vozilo će biti blokirano.

Maglaj, dana _____godine u _____ sati.

Registarske oznake vozila: _____.

OKRENI LIST !

Ukoliko ste našli ovaj letak na staklu svog vozila, učinili ste povredu člana 17. Odluke OV Maglaj o javnim parkiralištima na području grada Maglaja (Službene novine br. _____ od _____ godine).

Izvod iz Odluke:

Član 12.

Korisnik otvorenog javnog parkirališta unaprijed plaća naknadu za planirano vrijeme parkiranja, a kod zatvorenog javnog parkirališta prilikom napuštanja javnog parkirališta, prema podacima sa ulaznog listića.

Član 17.

Korisnik otvorenog javnog parkirališta čini povredu odredaba uslova korištenja javnog parkirališta propisanom ovom Odlukom ako:

- Prekorači dopušteno vrijeme parkiranja
- Ne istakne, nepravilno istakne ili istakne neodgovarajuću parking kartu s unutrašnje strane vjetrobranskog stakla
- Ne pridržava se horizontalne i vertikalne prometne signalizacije na javnom parkiralištu
- Zauzme vozilom dva parkirna mjesta, odnosno vozilo parkira dijelom na parkirno mjesto, a dijelom van njega, čime se onemogućava korištenje parking mjesta pod naplatom
- Parkira ili zaustavi vozilo na parking mjestima predviđenim za invalide, te parkira i zaustavi vozilo na rezervisanom, odnosno zakupljenom parking mjestu
- Obavlja usluge popravke, pranja vozila ili bilo koju drugu radnju koja utiče na nesmetano funkcionisanje parkirališta kao komunalne djelatnosti od opšteg značaja
- Ostavi neispravno ili havarisano vozilo na parkiralištu
- Ošteti vertikalnu signalizaciju, automat za naplatu parkiranja ili bilo koju drugu opremu na parkiralištu

Član 18.

U slučaju povrede odredaba člana 17. alineja 1, 2, 3, 4 i 5 izvršiće se blokiranje vozila uređajem za blokiranje točkova.

Poslove blokiranja i deblokiranja vozila vršiće ovlašteno lice u KJD d.o.o. Maglaj uređajem za blokiranje točkova „liscama“.

U skladu sa Cjenovnikom KJD d.o.o. Maglaj, naknade za blokiranje i deblokiranje vozila iznose:

1. Za blokiranje i deblokiranje putničkog vozila iznosi 20,00 KM
2. Za blokiranje i deblokiranje kamiona, autobusa, priključnog vozila i radnog stroja iznosi 30,00 KM.

Naknada za premještanje i čuvanje vozila :

1. Premještanje i čuvanje vozila na deponijski parking i ležarina do 24 sata iznosi 60,00 KM.
2. Dnevno čuvanje vozila na deponijskom parkingu iznosi 10,00 KM.

Dragi korisnici naših usluga, molimo Vas da uvažite i poštujuete odredbe navedene Odluke OV Maglaj, te na taj način doprinesete savremenom i kvalitetnom rješavanju problema parkiranja u našem gradu.

**ZA SVE DODATNE INFORMACIJE POZOVITE KJD D.O.O. MAGLAJ NA
BROJ TELEFONA
032- 603-523**

“KOMUNALNO JAVNO DRUŠTVO” d.o.o. Maglaj

Žiro računi: PBS banka 1011450000071212; ABS banka 1990460003274429; UNICREDIT Zagrebačka banka 3385602200011396

**Z A P I S N I K
O BLOKADI I DEBLOKADI KOTAČA VOZILA****BLOKADA:**Datum blokade kotača vozila: _____ Vrijeme: _____ sati
Registarski broj vozila: _____Razlog blokade kotača vozila:

_____Primjedbe na stanje vozila u zoni blokiranog kotača:

_____Blokadu kotača vozila izvršio: _____
Prisutno ovlašteno lice na naplati parkinga: _____
_____**DEBLOKADA:**

Datum deblokade kotača vozila: _____ Vrijeme: _____ sati

Da je vozilo deblokirano i predato vlasniku izazvanih postupkom blokade kotača potvrđuju:

Ovlašteno lice koje je izvršilo deblokadu kotača: _____
Ovlašteno lice na naplati parkinga: _____
_____**IZJAVA VLASNIKA ILI KORISNIKA VOZILA:***Vozilo sam preuzeo bez novih oštećenja u zoni blokiranog kotača.*_____
(potpis vlasnika ili korisnika vozila)